



TREOIR MAIDIR LE HAIGHNEACHTAÍ

CHUN

**SEIRBHÍSÍ CRAOLACHÁIN FUAIME PÍOLÓTACHA SEALADACHA
POBAIL A SHOLÁTHAR¹**

¹ Tá treoir agus foirm iarratais ar leith d'iarratasóirí a dhéanann iarratas ar sheirbhís shealadach NACH n-oibreoidh ar bhonn pobal píolótach.
Eanáir 2018



Tá an ceart ar cosaint ag Údarás Craolacháin na hÉireann (“an BAI”) chun aon chuid den *Treoir maidir le hAighneachtaí do Sheirbhísí Craolacháin Fuaime Sealadacha Pobail* (“an Treoir”) seo a cheartú nó a shoiléiriú.

Cuirfear aon cheartúcháin, soiléiriú nó faisnéis fhorlíontach in airde ar láithreán gréasáin an BAI, www.bai.ie

Tabhair faoi deara, le do thoil, tá treoir agus foirm iarratais ar leith ann d’iarratasóirí ar mian leo iarratas a dhéanamh ar sheirbhís chraolacháin fuaime shealadach, NACH BHFUIL ag feidhmiú ar bhonn pobal píolótach.

Caithfidh iarratasóirí an fhoirm iarratais cheart a úsáid i dtaobh shaghas na seirbhíse atá i gceist. Beidh ar iarratasóirí iarratas a sheoladh ar ais arís má úsáidtear an fhoirm mhícheart.

Ba cheart gach ceist a bhaineann leis *an Treoir* seo a sheoladh ar ríomhphost chuig: contracts@bai.ie



Clár Ábhar

1. RÉAMHRÁ	4
2. NÓSANNA IMEACHTA CHUN IARRATAS A SHEOLADH AR AGHAIDH	5
3. FAISNÉIS / CEANGLAIS AR AN IARRATASÓIR	6
4. AN CHÁIPÉISÍOCHT ATÁ AG TEASTÁIL	7
5. MEASÚNÚ AR IARRATAIS	10
6. BRONNADH CONARTHA	14
Iarscríbhinn 1: Stiúideonna	15
Iarscríbhinn 2: Deimhnithe Teimpléid Rúnaí	16



1. RÉAMHRÁ

Foráiltear in Alt 68(1)b den Acht Craolacháin, 2009 gur féidir leis an Údarás, ar mholadh an Choiste Bronnta Conarthaí, in aon tréimhse 12 mhí, i gconradh craolacháin fuaimne a dhéanamh le hiarratasóir chun seirbhís chraolacháin fuaimne a sholáthar i limistéar sonraithe:-

má tá an t-iarratas le haghaidh conradh craolacháin fuaimne pobail, nach maireann níos mó ná 100 lá sa tréimhse sin 12 mhí, (**Conradh Craolacháin Fuaimne Sealadach do Sheirbhís Phobail Phíolótach**).

Is gnách go mbronntar Conarthaí Craolacháin Fuaimne Sealadacha do Sheirbhísí Pobail Píolótacha, a fhad le 100 lá, ar bhonn píolótach ar ghrúpaí pobail ar spéis leo stáisiún pobail lánaimseartha a bhunú amach anseo.

Sonraítear sa Treoir seo na nósanna imeachta a nglacfar leo don phróiseas iarratais i dtaca le conradh craolacháin fuaimne sealadach a bhronnadh ar bhonn pobail píolótach agus soláthraítear inti treoir d'iarratasóir maidir le ceanglais an Achta Craolacháin, 2009. Sainaithnítear sa Treoir seo, chomh maith, beartais ábhartha an BAI agus sonraítear inti an fhaisnéis ba cheart a chur san áireamh in iarratas.

Ní airbheartaítear gur treoir chríochnaitheach atá sa Treoir seo agus ba cheart d'iarratasóir féideartha aird a thabhairt ar fhorálacha ábhartha Acht 2009, **Ailt 64 agus 66 den Acht Craolacháin, 2009** ina measc. Nuair a bhíonn iarratas á ullmhú, ba cheart go dtabharfadh iarratasóir aird, chomh maith, sa chás gurb iomchuí, ar bheartais an BAI, *i measc rudaí eile, Straitéis Seirbhísí Craolacháin an BAI, Beartas an BAI maidir le Craolachán Raidió Pobail agus Beartas Úinéireachta agus Rialaithe an BAI*. Tá na cáipéisí seo ar fáil ar líne ag www.bai.ie nó ar iarraidh ón BAI. Is féidir dul i gcomhairle le foireann Feidhmiúcháin an BAI, chomh maith, sa chás go mbíonn aon cheisteanna ag iarratasóir féideartha maidir le hábhar na Treorach seo, formáid an iarratais, nó beartais an BAI.

Tabhair faoi deara, le do thoil, braitheann gach iarratas ar an gCoimisiún um Rialáil Cumarsáide (ComReg) a bheith in ann minicíocht oiriúnach a shannadh don tseirbhís a bheartaítear. Ba cheart d'iarratasóirí a thabhairt faoi deara, mar gheall ar shrianta speictrim, b'fhéidir nach féidir freastal ar an líon laethanta agus láithreán agus ar an ERP (Cumhacht Éifeachtach Radaithe i dtreo Áirithe) a bheartaítear.

Ba cheart na ceisteanna go léir faoin bpróiseas ceadúnaithe a sheoladh chuig an seoladh ríomhphoist: contracts@bai.ie



2. NÓSANNA IMEACHTA CHUN IARRATAS A SHEOLADH AR AGHAIDH

Caithfidh iarratas a sheoltar ar aghaidh chun conradh craolacháin fuaimhe sealadach a bhronnadh ar bhonn pobal píolótach de bhun alt 68(1)b d'Acht 2009 na ceanglais go léir a leagtar amach sa Treoir seo a chomhlíonadh. Má theipeann orthu na ceanglais a fhoilsítear a chomhlíonadh go hiomlán, beifear in ann an t-iarratas a dhícháiliú agus, ní dhéanfaidh an Coiste Bronnta Conarthaí breithniú air, leis sin.

An Fhormáid Riachtanach

Caithfear an t-iarratas a sheoladh ar aghaidh trí úsáid a bhaint as an bhfoirm iarratais chuí.

Tá an **Fhoirm Iarratais do Sheirbhís Chraolacháin Fuaimhe Phíolótach Sealadach Phobail** ar fáil ag www.bai.ie

Caithfear an fhaisnéis go léir a iarrtar san fhoirm a sheoladh ar aghaidh.

An Cháipéisíocht a Theastaíonn

Caithfear foirm iarratais chomhlánaithe a sheoladh ar aghaidh leis an gcáipéisíocht a theastaíonn, faoi mar a dtugtar cuntas air i Mír 4 den Treoir seo agus sa seicbhosca a sholáthraítear san fhoirm iarratais.

Aighneacht

Tá ar iarratasóir cóip amháin den iarratas a sheoladh ar aghaidh i bhformáid PDF nó Word chuig an seoladh ríomhphoist, contracts@bai.ie Go hidéalach, ba cheart go mbeadh iarratais i **gcáipéis amháin, nó níor cheart go ngabhfadh breis agus 2 cheangaltán, ar a mhéid, leo**. Níor cheart go sáródh an t-iarratas agus na ceangaltáin 8MB. Féadtar an t-iarratas a sheoladh ar aghaidh i nGaeilge nó i mBéarla, ach caithfear ar a laghad cóip amháin den ábhar go léir a sheoladh ar aghaidh i mBéarla.

Amfhráma chun Iarratais a fháil

Ba cheart iarratais a sheoladh ar ais ar a laghad 3 mhí roimh an chéad dáta a bheartaítear chun craoladh a dhéanamh. Déanfaidh an BAI idirchaidreamh le hlarratasóirí maidir leis an amfhráma don phróiseas iarratais agus na dátaí craolta a bheartaítear.

Saoráil Faisnéise:

Is féidir faisnéis a chur ar fáil don phobal de bhreis ar iarrataí faoin Acht um Shaoráil Faisnéise, 2014. Rachaidh an BAI i gcomhairle leis an bpáirtí leasmhar faoi aon fhaisnéis a fhoilsiú a gcaitear léi mar fhaisnéis rúnda ag tráth na haighneachta, sula ndéanfar aon chinneadh faoi aon iarraidh ar Shaoráil Faisnéise a fuarthas.

Comhaontuithe Tríú Páirtí:

Ní dhéanann aon chomhaontuithe idir an BAI agus páirtithe leasmhara i ndáil le faisnéis rúnda agus/nó atá íogair i dtaobh cúrsaí tráchtála dochar d'oibleagáidí an BAI faoin dlí, faoin Acht Craolacháin, 2009 agus faoin Acht um Shaoráil Faisnéise. Ní féidir leis an BAI a chinntiú, ar an ábhar sin, nach nochtfar faisnéis a mhaíonn páirtí leasmhar gur faisnéis rúnda í nó a gcaitear léi mar fhaisnéis rúnda, de bhun an dlí.



1. FAISNÉIS / CEANGLAIS AR AN IARRATASÓIR

Ceanglas maidir le hAonán Dlíthiúil

Caithfidh an méid seo a leanas a bheith in iarratasóir ar Sheirbhís Chraolacháin Fuaime Phíolótach Shealadach Phobail

a. Aonán dlíthiúil

Mar shampla, cuideachta nó comharchumann cláraithe. Ní dhéanfaidhan BAI conradh craolacháin fuaime sealadach ar bhonn pobal píolótach le duine aonair nó le grúpa daoine aonair. B'fhéidir gur mian le páirtithe leasmhara faisnéis a lorg faoi conas iad féin a bhunú mar aonán dlíthiúil trí theagmháil a dhéanamh le comhlachtaí ábhartha, ar nós na hOifige um Chlárú Cuideachtaí, nó Chumann Comhar-Eagraíochtaí na hÉireann. Tabhair faoi deara, le do thoil, bunaítear cuideachtaí ar mian leo iarratas a dhéanamh ar sheirbhís chraolacháin fuaime shealadach píolótach phobail, go ginearálta, mar chuideachtaí faoi theorainn ráthaíochta gan scairchaipiteal.

b. Neamhbhrabúsach.

De bhreis ar Alt 64 den Acht Craolacháin, 2009, agus Beartas an BAI maidir le Craolachán Raidió Pobail, ba cheart iarratasóirí a bhunú ar bhonn neamhbhrabúsach.

Tobhach Craolacháin

Beidh ar iarratasóir rathúil conradh craolacháin fuaime a shíniú leis an BAI d'fhonn tús a chur le craolachán. Tá ar chonraitheoirí leis an BAI tobhach craolacháin a íoc. Faoi Alt 33 den Acht Craolacháin, 2009 tá ar an BAI ordú a dhéanamh a ghearrann tobhach ar chonraitheoirí craolacháin ar mhaithe le "íoc as costais a thaibhíonn an tÚdarás, an Coiste Bronnta Conarthaí agus an Coiste Comhlíonta go cuí i dtabhairt faoina bhfeidhmeanna."

Tá an íocaíocht tobhaigh atá ar chonraitheoirí a íoc bunaithe ar ioncam cáilitheach an chonraitheora, faoi mar a ndéantar cur síos air in Ordú Tobhaigh an BAI. Go ginearálta, mura sáraíonn Ioncam Cáilitheach conraitheora €250,000, is é an tobhach €750 móide CBL ar an ráta cuí, arb ionann faoi láthair é agus 23%. Seolfar sonrasc dá réir chuig iarratasóirí rathúla a leanann ar aghaidh le conradh a shíniú leis an BAI. Ríomhtar an tobhach ar bhonn bliain féilire. Ar an ábhar sin, tá ar chonraitheoirí an tobhach a íoc do gach bliain a dhéanann siad craolachán. Mar shampla, seolfar sonrasc chuig conraitheoir a dhéanann craolachán ar feadh tréimhse 30 lá idir 01.11.16 agus 31.03.17, do 2 bhliain tobhaigh, ach ní sheolfar ach sonrasc do bhliain tobhaigh amháin chuig conraitheoir a dhéanann craolachán ar feadh tréimhse 30 lá idir 01.01.17 agus 31.03.17 (laistigh den bhliain féilire chéanna).

I gcás conraitheoirí roimhe seo, ba cheart íocaíochtaí tobhaigh nár íocadh go fóill a íoc d'fhonn gur féidir aon iarratas amach anseo a phróiseáil, agus/nó conradh eile a shíniú. Tabhair faoi deara, le do thoil, mar gheall nach nglactar le seiceanna, ba cheart an tobhach craolacháin a íoc trí aistriú bainc chuig:



Ainm an Chuntais	Údarás Craolacháin na hÉireann
Uimhir Chuntais	03603097
Cód Sórtála	98-50-20
BIC	ULSB IE 2D
IBAN	IE85 ULSB 9850 2003 6030 97
Tagairt:	S68(1)[Inisealacha Ainm an Iarratasóra]

Féadtar ceisteanna i dtaca leis an tobhach a sheoladh chuig Caroline Brady, (Tel: 01 792 7569) nó Mark O'Neill (Guthán: 01 792 8939) de chuid PWC, Uimhir a hAon Duga Spencer, Cé an Phoirt Thuaidh, Baile Átha Cliath 1

Scéim Tacaíochta Raidió Shealadach

Soláthraíonn [an Scéim Tacaíochta](#) seo cistiú d'oiliúint, forbairt agus/nó gníomhaíochtaí measúnaithe a mhéid le €500 in aghaidh an stáisiúin, ar a mhéid. Féadfaidh stáisiún iarratas a dhéanamh ar chistiú a bhfuil de chuspóir acu tacú le gníomhaíochtaí oiliúna reatha nó sa chás go bhféadfaí an cistiú a úsáid chun measúnú a dhéanamh ar oiliúint reatha nó iar-oiliúint, gníomhaíochtaí forbartha agus/nó measúnaithe an stáisiúin.

4. AN CHÁIPÉISÍOCHT A THEASTAÍONN

Sula measfar go bhfuil iarratas iomlán, caithfear an cháipéisíocht seo a leanas a sheoladh chuig an BAI ar ríomhphost contracts@bai.ie

1. Foirm Iarratais Chomhlánaithe
2. Deimhniú Corpraithe

3. Bunreacht, Rialacha Comharchumainn nó a Chomhionann

Caithfidh iarratasóir cóip atá cothrom le dáta dá B(h)unreacht nó de Rialacha a C(h)omharchumainn a sholáthar. Tabhair faoi deara, le do thoil, más cuideachta atá in iarratasóir, caithfear aird a thabhairt i mBunreacht na cuideachta ar fhorálacha *Acht na gCuideachtaí, 2014*. Ba cheart d'iarratasóirí a chinntiú gur tugadh Iar-Mheabhráin agus Iar-Airteagail Chomhlachais cothrom le dáta i mBunreacht agus, nuair a dhéantar amhlaidh, go dtugtar aird ar fhorálacha *Acht na gCuideachtaí, 2014*.

4. Deimhniú Rúnaí nó a Chomhionann

Leagtar amach sa cháipéis seo struchtúr úinéireachta agus rialaithe an iarratasóra, seoladh cláraithe, ainmneacha agus seoltaí an Bhoird Stiúrthóirí nó chomhaltaí an Choiste Bainistíochta, ainm agus seoladh an Rúnaí, an Oifigigh Chomhlíontacháin a bheartaítear, agus catagóirí ballraíochta ina measc.

Tá Deimhnithe Teimpléid Rúnaí do chuideachta faoi theorainn ráthaíochta agus nach bhfuil aon scairchaipiteal aici agus comharchumann araon ar fáil ag **Iarscríbhinn 2 den Treoir seo, anuas ar an bhFoirm Iarratais ar Sheirbhís Craolacháin Fuaimne Phíolótach Shealadach Phobail**. Ba cheart



d'iarratasóirí an teimpléad cuí a chomhlánú, ag brath ar shaghas an aonáin a bhunaítear, e.g.: cuideachta nó comharchumann, agus pé athruithe a dhéanamh is gá.

Cothromaíocht Inscne

Tabhair faoi deara, le do thoil, i gcomhréir le beartas raidió pobail, agus le téarmaí d'aon chonradh craolacháin fuaimne sealadach do sheirbhís phobail phíolótach, ní bheidh 60% nó níos mó dá bhallaíocht, bíodh fir nó mná iontu, i gComhlacht Feidhmiúcháin, mar shampla, an Bord agus/nó Coiste Bainistíochta Iarratasóra / Conraitheora.

5. Ráiteas Beartais Chlár

Leagtar amach sa Ráiteas Beartais Chlár (RBC) na gealltanais atá an tIarratasóir toiliúil a dhéanamh don BAI i dtaca le príomhghnéithe na seirbhíse cláir. Feidhmeoidh sé mar shlat tomhais ar féidir feidhmíocht an Iarratasóra amach anseo a thomhas agus a mheasúnú ina leith agus, mar dhea, beidh sé mar chuid den chonradh idir an BAI agus an t-Iarratasóir rathúil, faoi réir idirbheartaíocht bhreise idir an BAI agus an t-Iarratasóir rathúil.

Sa chás go n-éiríonn le hiarratas, déanfar comhaontú ar an RBC bunaithe ar na gealltanais chlár agus an fhreagairt a sholáthraítear i Mír 5 den Fhoirm Iarratais. Ach go háirithe, díreoidh an RBC ar an méid seo a leanas;

- Conas a bheartaíonn an tseirbhís a bheartaítear na croí-riachtanais de chuid seirbhíse chraolacháin fuaimne phobail a chomhlíonadh: 1. Rochtain, cuimsiú sóisialta / cuntasacht; agus 2. Freastal ar riachtanais, agus tairbhe shóisialta a chruthú, don phobal.
- Cur chuige an Iarratasóra i dtaobh a c(h)umas a fhorbairt chun na ceanglais reachtúla d'ábhar nuachta agus cúrsaí reatha a chomhlíonadh; is é sin, 20% d'ábhar nuacht agus cúrsaí reatha i gcaitheamh an lae craolta iomláin, agus, sa chás go ndéanann an tseirbhís craolachán ar feadh breis agus 12 uair an chloig sa lá, 2 uair an chloig idir 7am agus 7pm.²
- Conas a fhreastalóidh na cláir a bheartaítear ar leasanna agus riachtanais an phobail, rannpháirtíocht an phobail a éascú, agus cur le hiolracht agus éagsúlacht mhéadaithe don phobal.

6. Sceideal Táscach na gClár

Ba cheart go mbeadh na gealltanais chlár a leag an tIarratasóir amach ina f(h)oirm iarratais agus a comhaontaíodh san RBC i Sceideal na gClár a bheartaítear don tseirbhís.

Ba cheart go ndéanadh sceideal táscach na gclár an méid seo a leanas, ach go háirithe:

- Na huaireanta craolacháin a bheartaítear a thaispeáint
- Tuairisceoirí cláir a chur san áireamh.

² Tabhair faoi deara, le do thoil, níl dualgas ar Chraoltóirí Sealadacha nó Pobail Píolótacha na ceanglais reachtúla nuachta agus cúrsaí reatha a chomhlíonadh. Ba cheart d'Iarratasóirí Pobail Píolótacha a thabhairt faoi deara go bhfuil comhlíonadh an cheanglais seo éigeantach i measc gach craoltóir fuaimne bunaithe, a bhfuil ceadúnas lánaimseartha acu. Mar dhea, meastar gur gá do sheirbhísí pobail píolótacha cláir nuachta agus cúrsaí reatha a fhorbairt.



7. Léarscáil den Limistéar Saincheadúnais

Cuir léarscáil chruinn ar fáil, le do thoil, ina dtugtar cuntas ar an limistéar saincheadúnais a bheartaítear. Ba cheart go mbeadh an léarscáil lipéadaithe le láthair láithreán beartaithe an tarchuradóir a thaispeáint go soiléir. Tabhair faoi deara, le do thoil, bíonn limistéar saincheadúnais thart ar 8km ag Seirbhís Sealadacha Pobail Píolótacha, go ginearálta.

8. Cuóta d'Árachas

Caithfidh polasaí árachais cuí a bheith i bhfeidhm ag iarratasóir chun an tseirbhís a oibriú. Caithfear cumhdach árachais leabhair a bheith san áireamh leis an bpolasaí seo agus caithfidh an BAI a bheith slánaithe go sonrach faoin bpolasaí seo. Caithfear cóip den chuóta a bheartaítear a chur san áireamh leis an iarratas. Caithfear cruthúnas i dtaobh an pholasaí deiridh do na dátaí a bheifear ar aer a sholáthar sula dtugtar idirbheartaíocht chonclúideach conartha chun críche.

9. Plean Urláir d'Iarratasóirí Craolacháin Fuaimne Pobail Píolótacha

Caithfidh an stiúideo Cuid M de na Rialacháin Foirgníochta a chomhlíonadh ina sonraítear na riachtanais maidir le rochtain agus úsáid ag daoine faoi mhíchumas. Caithfidh an t-iarratasóir sonraí a sholáthar faoi rochtain ar an bhfoirgneamh, spás cúrsaíochta laistigh den fhoirgneamh, agus saoráidí ar nós an leithris do dhaoine faoi mhíchumas. Ba cheart go n-áireofaí leis na sonraí seo plean urláir ar a bhfuil na toisí ábhartha uile, sonraí san áireamh faoi shaoráidí teicniúla, nuacht, limistéir oifige agus riaracháin, agus cóiríú fuaimniúil.

Tabhair faoi deara, le do thoil, gur cheart go ndearfaí leagan amach, trealamh agus cuntar oibre an stiúideo d'fhonn rochtain agus úsáid iomlán a éascú ag gach duine, gan struchtúir shealadacha a bheith ag teastáil. Ba cheart go n-áireofaí leis an líníocht forleagan de thoscán uile an stiúideo agus na hoifige anuas ar thoisí na n-oscailtí uile dorais, leithid na bpassáistí agus na limistéir chúrsaíochta agus ghluaiseachta timpeall ar an stiúideo agus an troscán oifige. Ba cheart go léireofaí go soiléir ar na líníochtaí go gcomhlíontar agus go dtuigtear na rialacháin foirgníochta, go háirithe Cuid M agus na Treoirínte *'Building for Everyone'* a d'fhoilsigh an tÚdarás Náisiúnta Míchumais agus atá ar fáil ar láithreán gréasáin an BAI ag an nasc seo a leanas. [Treoirínte maidir le Rochtain do Dhaoine faoi Mhíchumas do Raidió Pobail agus Raidió Pobail Píolótach](#). Caithfidh stiúideonna a bheith deartha agus tógtha chun na ceanglais chúrsaíochta stiúideo a chomhlíonadh a leagtar amach in Iarscríbhinn 1 den fhoirm iarratais ábhartha.

10. Deimhniú Rochtana Rialaithe agus Fuaimdhíonta d'Iarratasóirí Craolacháin Fuaimne Pobail Píolótacha

Caithfidh rochtain rialaithe a bheith ag stiúideonna stáisiúin Phobail Píolótacha a bhíonn ar an aer agus caithfidh siad caighdeán an tionscail a bhaint amach maidir le fuaimdhíonadh. Caithfidh an t-iarratasóir faisnéis a sholáthar ar conas a rialaítear rochtain ar stiúideonna ar an aer agus deimhniú a sholáthar gur cuireadh fuaimdhíonadh i bhfeidhm a bhaineann caighdeán an tionscail amach.



5. Measúnú ar Iarratais

Céim a hAon: Réamh-Mheasúnú

A luaithe a sheoltar iarratas ar aghaidh, déanfaidh foireann Feidhmiúcháin an BAI é a athbheithniú lena chinntiú go bhfuil sé iomlán. Seiceálfaidh an fhoireann Feidhmiúcháin an méid seo a leanas, ach go háirithe;

- úsáideadh an fhoirm iarratais chuí agus freagraíodh na ceistanna riachtanacha go léir;
- seoladh na gcáipéisí riachtanacha ar aghaidh;
- comhlíonann an tIarratasóir beartas an Údaráis³ agus Alt 62 den Acht Craolacháin, 2009, maidir le haighneachtaí ó iar-oibreoirí neamhcheadúnaithe;
- tá gach íocaíocht tobhaigh cothrom le dáta, más infheidhme; agus
- cloíonn dátaí craolacháin beartaithe an Iarratasóra leis na teorainneacha ama a leagtar amach in Alt 68(1) den Acht Craolacháin, 2009.

Céim a Dó: Cáilíochtúil

I rith na céime seo, déanfaidh an fhoireann Feidhmiúcháin athbheithniú ar an iarratas lena sheiceáil cé acu an gcuimsítear nó nach gcuimsítear ann faisnéis dhóthanach chun tabhairt faoi mheasúnú agus cé acu ar fhreagair nó nár fhreagair an tIarratasóir go dóthanach ar gach mír den Fhoirm Iarratais lena éascú measúnú iomlán a dhéanamh ar oiriúnacht an Iarratasóra go mbronnfar conradh craolacháin fuaimne sealadach air/uirthi ar bhonn pobal píolótach.

Tugtar faoi mheasúnú agus aird ar an méid seo a leanas;

- An tAcht Craolacháin, 2009;
- An faisnéis a leagtar amach i ngach mír den Fhoirm Iarratais;
- Beartais ábhartha an BAI, go háirithe [an Beartas maidir le Craolachán Raidió Pobail](#)
- Comhlíonadh [na dTreoirí maidir le Rochtain do Dhaoine faoi Mhíchumas do Raidió Pobail agus Raidió Pobail Píolótach](#)
- An fháil atá ar speictream. Braitheann faomhadh iarratas ar an gCoimisiún um Rialáil Cumarsáide (ComReg) a bheith in ann minicíocht oiriúnach a shannadh don tseirbhís a bheartaítear;

Leagtar amach thíos faisnéis mhínitheach a bhaineann le gach mír den fhoirm iarratais, agus is féidir teacht ar a mhacasamhail d'fhaisnéis san fhoirm iarratais ábhartha, chomh maith.

³ Is é beartas an Údaráis chun breithniú a dhéanamh ar iarratais a fhad nach raibh baint ag aon duine de stiúthóirí, rúnaí, foireann bhainistíochta nó foireann ar an aer an Iarratasóra i ngníomhaíocht neamhcheadúnaithe ar feadh ar a laghad trí mhí sular seoladh an t-iarratas ar aghaidh.



Sonraí faoin Iarratasóir

Ba cheart go leagfaí amach sa mhír seo ainm an iarratasóra, a stádas mar aonán dlíthiúil agus na dátaí craolta a bheartaítear. Ba cheart go soiléireofaí sa mhír seo, chomh maith, cé acu ar oibrigh nó nár oibrigh an t-iarratasóir seirbhís phobail shealadach nó phiólótach faoi chonradh leis an BAI.

Úinéireacht agus Rialú

Baineann an mhír seo le struchtúr úinéireachta agus rialaithe an iarratasóra agus lorgaítear inti faisnéis ar an gcomhlacht rialaithe/Comhlacht Feidhmiúcháin agus comhaltaí an iarratasóra. Lorgaítear sa mhír seo, chomh maith, sonraí faoi conas a bhainisteofar an tseirbhís a bheartaítear. Cuirtear forálacha ábhartha an Achta Craolacháin, 2009 agus beartais an BAI, mar shampla an Beartas maidir le Craolachán Raidió Pobail, san áireamh nuair a dhéantar measúnú ar an bhfaisnéis sa mhír seo. I measc samplaí den fhaisnéis a chuirtear san áireamh, tá:-

- Carachtar, saineolas agus taithí an iarratasóra, a stiúrthóirí, a b(h)ainisteoir agus a rúnaí ina measc;
- Comhdhéanamh Chomhlacht Feidhmiúcháin an iarratasóra;⁴

I gcomhréir le beartas raidió pobail, agus le téarmaí aon chonradh craolacháin fuaime sealadach do sheirbhís phobail phiólótach, ní bheidh 60% nó níos mó dá bhallraíocht, bíodh fir nó mná iontu, i gComhlacht Feidhmiúcháin Iarratasóra / Conraitheora. Ba cheart d'iarratasóirí a chinntiú go sásaíonn cothromaíocht inscne an Bhoird agus / nó an Choiste Bainistíochta an riachtanas seo.

- Struchtúr ballraíochta, agus leibhéal ballraíochta an iarratasóra, agus cé acu an ndéanann nó nach ndéanann sé ionadaíocht don phobal atá i gceist;
- Struchtúr bainistíochta beartaithe an iarratasóra agus cé acu an bhfuil nó nach bhfuil an struchtúr tuairiscithe a ngabhann leis ionadaíocht agus cuntasach don phobal atá i gceist, agus cé acu an éascaíonn nó nach n-éascaíonn sé go mbíonn an bhallraíocht ghinearálta bainteach;
- Conas a oibreofar an tseirbhís, an líon foirne íoctha nó comhaltaí gníomhacha agus/nó oibríthe deonacha atá i bhfeidhm ina measc; agus
- Feidhmíocht agus comhlíonadh conarthach an iarratasóra faoi aon iar-chonradh craolacháin a bhí ag an iarratasóir.

Clár

Baineann an mhír seo leis na gealltanais chlár atá an tIarratasóir toiliúil a dhéanamh i dtaca le príomhghnéithe na seirbhíse a bheartaítear. Má éiríonn leis an iarratasóir, cruthóidh na gealltanais seo cuid de **Ráiteas Beartais Chlár** faoi dheireadh i gconradh, ar a ndéantar idirbheartaíocht leis an BAI.

⁴ Bord na Stiúrthóirí, Coiste Bainistíochta nó comhlacht rialaithe eile.



Feidhmeoidh **an Ráiteas Beartais Chlár** mar shlat tomhais a ndéantar feidhmíocht an iarratasóra rathúil amach anseo a thomhas ina leith agus/nó a measúnófar athruithe a iarrtar ar sceideal clár an iarratasóra ina leith.

Cuirtear forálacha ábhartha an Achta Craolacháin, 2009 agus beartais an BAI, mar shampla an Beartas maidir le Craolachán Raidió Pobail, san áireamh nuair a dhéantar measúnú ar an bhfaisnéis sa mhír seo. I measc samplaí den fhaisnéis a chuirtear san áireamh, tá:-

- straitéis chlár agus gealltanais chlár bheartaithe an iarratasóra;
- sceideal clár beartaithe an iarratasóra;
- tograí an iarratasóra chun rannpháirtíocht a bhaint amach ag an bpobal i bhforbairt agus cur i bhfeidhm a sceidil chlár;
- Cáilíocht, saghas agus réimse na gclár a bheartaítear;
- A inmhianaithe atá sé éagsúlacht seirbhísí a bheith ann sa limistéar saincheadúnais a bheartaítear;
- A mhéid a fhreastalaíonn an tseirbhís a bheartaítear ar phobail a aithnítear mar phobail áitiúla agus a mhéid a dtacaíonn na leasanna éagsúla sa phobal léi, nó a mhéid a fhreastalaíonn sí ar phobail leasa; agus
- Feidhmíocht agus comhlíonadh conarthach an iarratasóra faoi aon iar-chonradh craolacháin a bhí ag an iarratasóir.

Stiúideonna agus Tarchur

Baineann an mhír seo le hoiriúnacht an stiúideo agus na saoráidí tarchuir a bheartaítear don tseirbhís.

Cuirtear forálacha ábhartha an Achta Craolacháin, 2009 agus beartais an BAI, mar shampla, an Beartas maidir le Craolachán Raidió Pobail, san áireamh nuair a dhéantar measúnú ar an bhfaisnéis sa mhír seo. I measc samplaí den fhaisnéis a chuirtear san áireamh, tá:-

- An t-amfhráma chun tús a chur le tarchur;
- Leordhóthanacht an stiúideo agus saoráidí tarchuir;
- Riachtanais Rochtana Caithfidh seirbhísí craolacháin fuaimne sealadacha píolótacha pobail a bheith inrochtana do dhaoine faoi mhíchumas. Mar dhea, ba cheart líníocht mhionsonraithe stiúideonna a sheoladh ar aghaidh ar a soláthraítear an fhaisnéis ábhartha a shonraítear in Mír 4(9) den Treoir seo.
- Oiriúnacht na dtograí tarchuir; agus
- Feidhmíocht agus comhlíonadh conarthach an iarratasóra faoi aon iar-chonradh craolacháin a bhí ag an iarratasóir.



Plean Airgeadais agus Gnó

Baineann an mhír seo le hoiriúnacht an phlean airgeadais agus gnó atá á bheartú ag an iarratasóir, agus cuirtear san áireamh saghas na seirbhíse a bhfuil an t-iarratasóir ag cur isteach uirthi - seirbhís chraolacháin fuaime shealadach phiólótach phobail. Cuirtear forálacha ábhartha an Achta Craolacháin, 2009 agus beartais an BAI, mar shampla, an Beartas maidir le Craolachán Raidió Pobail, san áireamh nuair a dhéantar measúnú ar an bhfaisnéis sa mhír seo. I measc samplaí den fhaisnéis a chuirtear san áireamh, tá:-

- An straitéis agus an tsamhail airgeadais a bheartaítear;
- Cé acu an bhfuil nó nach bhfuil an tsamhail airgeadais ar aon dul leis an mBeartas maidir le Craolachán Raidió Pobail.⁵, agus straitéis agus samhail neamhbhrabúsach atá ann;
- Tograí cistithe agus ioncaim an iarratasóra, na foinsí agus na leibhéil chistithe / ioncaim ó gach foinse ina measc;
- Caiteachas tuartha an iarratasóra don tseirbhís, saghas agus leibhéal na gcostas atá i gceist;
- Leordhóthanacht na n-acmhainní airgeadais atá ar fáil don iarratasóir agus a mhéid a chloíonn iarratas le dea-phrionsabail ghnó agus gheilleagracha; agus
- Feidhmíocht agus comhlíonadh conarthach an iarratasóra faoi aon iar-chonradh craolacháin a bhí ag an iarratasóir.

I ndiaidh athbhreithniú a dhéanamh ar an iarratas, cinnfidh an fhoireann Feidhmiúcháin cé acu an t-iarratas a mholadh nó gan é a mholadh don Choiste Bronnta Conarthaí le breithniú a dhéanamh air.

- Má mholtar an t-iarratas, leanfaidh sé ar aghaidh go dtí céim a trí.
- Mura moltar an t-iarratas chun leanúint ar aghaidh chuig an gCoiste Bronnta Conarthaí, cuirfidh an BAI an t-iarratasóir ar an eolas agus soláthróidh sé na cúiseanna dó/di nár moladh an t-iarratas. Féadfaidh an BAI faisnéis bhreise a iarraidh, chomh maith, nó aiseolas a sholáthar don iarratasóir, sa chás gur mian leis an iarratasóir iarratas a dhéanamh ag tráth níos déanaí.

Céim a Trí: An Coiste Bronnta Conarthaí

Má mheastar gur thug an t-iarratasóir Céim a Dó chun críche go sásúil, molfaidh an Fheidhmeannacht don Choiste Bronnta Conarthaí go mbronntar conradh i bprionsabal ar an iarratasóir, a fhad agus go n-éiríonn leo idirbheartaíocht conartha a thabhairt chun críche agus a fhad agus a bhíonn fáil ar speictream. Déanfaidh an Coiste Bronnta Conarthaí breithniú ar an iarratas ag cruinniú a bheidh ag teacht aníos.

⁵ Ceanglaítear sa Bheartas maidir le Craolachán Raidió Pobail nár cheart go n-eascaíonn breis agus 50% d'ioncam craoltóir fuaime pobail ó aon foinse tráchtála amháin.



I ndiaidh measúnú a dhéanamh ar an iarratas, má tá an Coiste Bronnta Conarthaí sásta, molfaidh sé don Údarás go mbronntar Conradh i bprionsabal ar an iarratasóir, a fhad agus go n-éiríonn leo idirbheartaíocht conartha agus aon choinníollacha ar mian leis a shocrú a thabhairt chun críche agus a fhad agus a bhíonn fáil ar speictream.

Céim a Ceathair: Moladh an Údaráis

Déanfar moladh an Choiste Bronnta Conarthaí a dhaingniú ag cruinniú an Údaráis a bheidh ag teacht aníos, agus cuirfear tús le hidirbheartaíocht faoi chonradh leis an iarratasóir.

6. Bronnadh Conartha

Ní bhronnfar Conradh craolacháin fuaimhe sealadach do sheirbhís phobail phíolótach mura gcomhaontaíonn agus mura síníonn an t-iarratasóir rathúil Conradh ina gcuimsítear téarmaí agus coinníollacha faoi mar a chinn an BAI. Ba cheart go dtabharfadh iarratasóir faoi deara go ndéantar gach tairiscint conartha i bprionsabal agus go mbraitheann siad ar idirbheartaíocht conartha agus aon choinníollacha eile a thabhairt chun críche a d'fhéadfadh baint leis an mbronnadh.

Ba cheart d'iarratasóirí a thabhairt faoi deara go ndéanfar cinneadh faoi ábhar na Sceideal a bhaineann leis an gconradh sin bunaithe ar an bhfaisnéis, na gealltanais agus an tiomantas a chuimsítear san iarratas rathúil. Ar an ábhar sin, déanfar na sonraí faoi úinéireacht agus an struchtúr rialaithe, na gealltanais chlár agus sceideal táscach na gclár agus an tarchur agus na stiúideonna, de ghnáth, a thrasú ón iarratas rathúil.

De bhreis ar chonradh a shíniú, beidh baill den phobal in ann an Conradh sin a iniúchadh ag oifigí an BAI.⁶

Má theipeann ar iarratasóir rathúil comhaontú a dhéanamh le, nó aon choinníollacha a chomhlíonadh a lorgaíonn an Coiste Bronnta Conarthaí laistigh d'amfhráma cuí, ní thabharfar idirbheartaíocht conartha chun críche agus féadfaidh an tÚdarás a dhiúltú chun Conradh craolacháin fuaimhe sealadach do sheirbhís phobail phíolótach a dhéanamh.

Athruithe ar Chomhdhéanamh, Seirbhís nó Faisnéis

Tá an ceart ar cosaint ag an BAI chun Conradh craolacháin fuaimhe sealadach do sheirbhís phobail phíolótach a chúlghairm i ndiaidh gur bronnadh nó gur deonaíodh é má thiteann athruithe amach a mhionathraíonn cineál nó saintréithe an iarratasóra nó na seirbhíse a bheartaítear nó fírinne, bailíocht nó cruinneas na faisnéise a sholáthair an t-iarratasóir go hábhartha agus sa chás go bhféadfadh gur imir na hathruithe siúd tionchar ar an gcinneadh chun an Conradh craolacháin fuaimhe a bhronnadh, má thit na hathruithe siúd amach sula ndearnadh an bronnadh.

⁶ Alt 69(5) d'Acht 2009.

Iarscríbhinn 1: Stiúideonna

Riachtanais Chúrsaíochta Stiúideo

Taispeántar i bhFíor 2 na toisí tábhachtacha ar mhaithe le cuspóirí inrochtaineachta i ngnáthstiúideo. Seo a leanas luachanna íosta agus molta A, B agus C.


Is iad luachanna íosta A agus B 750 mm.

Ba cheart go mbeadh A agus B ar a laghad 1.2 m.

Má tá A nó B níos lú ná 1.2m, teastaíonn caschiorcal 1.5m ag suíomh an láithreora taobh thiar den deasc.

Is é luach íosta C 1.2 m.

Go hidéalach, ba cheart go mbeadh caschiorcal 1.5m ann os comhair na deisce.



Fíor 2: Riachtanais chúrsaíochta stiúideo



Iarscríbhinn 2: Deimhniú Teimpléid Rúnaí

Deimhniú Teimpléid Rúnaí do Chuideachta faoi Theorainn Scaireanna nach bhfuil aon Scairchaipiteal

aici

Deimhnímse, (Iontráil Ainm), a chónaíonn ag (Iontráil Seoladh), Rúnaí le (Ainm Cláraithe an Iarratasóra) ("an Chuideachta") ("LEIS SEO, an méid seo a leanas:-

A. Tá an Chuideachta faoi theorainn ráthaíochta agus níl scairchaipiteal aici (CTR) agus tá sí cláraithe in Éirinn faoin **Oifig um Chlárú Cuideachtaí (an CRO)** agus tá a hoifig chláraithe ag (Iontráil Seoladh). Forálann an Chuideachta (sa chás gur cuideachta atá sa Chonraitheoir faoi Acht na gCuideachtaí, 2014) nach ndéantar an Chuideachta a bhainistiú ná a oibriú d'fhonn brabús a ghiniúint agus nach ndéanfaidh an conraitheoir an tSeirbhís Cheadúnaithe a bhainistiú agus a oibriú ag féachaint le brabús a ghiniúint.

B. Seo a leanas Stiúrthóirí na Cuideachta:

Ainm	Seoladh	Catagóir na hlonadaíochta

C. Níl an méid seo a leanas i gceist le Stiúrthóir, Bainisteoir nó Comhalta na Cuideachta:

- i. féimheach neamhscaoilte;
- ii. duine atá faoi réir srianta de bhun Alt 819 d'Acht na gCuideachtaí, 2014;
- iii. duine a dícháilíodh ó ghníomhú mar Stiúrthóir de bhun Chuid 14, Caibidil 4 d'Acht na gCuideachtaí, 2014



- D. Is é/í (Iontráil Ainm), a chónaíonn ag (Iontráil Seoladh), Rúnaí na Cuideachta.
- E. Is é/í (Iontráil Ainm) (Bainisteoir an Stáisiúin), a chónaíonn ag (Iontráil Seoladh), Oifigeach Comhlíontacháin na Cuideachta.
- F. Tá gach tuairisceán déanta ag an gCuideachta leis an Oifig um Chlárú Cuideachtaí a gceanglaítear uirthi a dhéanamh.
- G. Is iad a bheidh i gcomhaltaí na Cuideachta
- a) Duine agus/nó Catagóir Bhallraíochta de réir Bhunreacht na Cuideachta
 - b)
 - c)
- H. Níor ritheadh aon rún chun an Chuideachta a fhoirceannadh agus níor eisíodh ná níor foilsíodh aon fhógra i dtaobh cruinníú ag a mbeartaítear an chuideachta a fhoirceannadh. Níor cuireadh aon achainí i láthair ná ní aon achainí ar feitheamh chun an chuideachta a fhoirceannadh, agus ní dheachthas i mbun aon bhearta chun an chuideachta a chur faoi ghlacadóireacht, nó chun glacadóir nó scrúdaitheoir a cheapadh.

Dar Dáta an () (Mí) (Bliain)

Rúnaí



Deimhniú Teimpléid Rúnaí do Chomharchumann

Deimhnímse, (Iontráil Ainm), a chónaíonn ag (Iontráil Seoladh), Rúnaí le (Ainm Cláráithe an Chomharchumainn) (“an Conraitheoir”), (“LEIS SEO, an méid seo a leanas:-

A. Cumann Tionscail agus Coigiltis is ea an Conraitheoir faoi na hAchtanna um Chumann Tionscail agus Choigiltis, 1893-2014 **Uimh. (Iontráil Uimhir)**. Foráiltear i Rialacha an Chonraitheora nach ndéantar ndéantar an Conraitheoir a bhainistiú ná a oibriú d’fhonn brabús a ghiniúint agus nach ndéanfaidh an Conraitheoir an tSeirbhís Cheadúnaithe a bhainistiú agus a oibriú ag féachaint le brabús a ghiniúint.

B. Seo a leanas Stiúrthóirí an Chonraitheora:

Ainm	Seoladh	A dhéanann ionadaíocht don mhéid seo a leanas

C. Níl an méid seo a leanas i gceist le haon Stiúrthóir nó Bainisteoir:

- i. féimheach neamhscaoilte;
- ii. duine atá faoi réir srianta de bhun Alt 819 d’Acht na gCuideachtaí, 2014; nó
- iii. duine a dícháillíodh ó ghníomhú mar Stiúrthóir de bhun Chuid 14, Caibidil 4 d’Acht na gCuideachtaí, 2014.



- D.** Is é/í (Iontráil Ainm) Rúnaí an Chonraitheora
- E.** Is é/í (Iontráil Ainm) (Bainisteoir an Stáisiúin), a chónaíonn ag (Iontráil Seoladh), Oifigeach Comhlíontacháin an Chonraitheora.
- F.** Tá gach tuairisceán déanta ag an gCuideachta le Cláraitheoir na gCara-Chumann nó lena chomhionann de chomhlacht a gceanglaítear uirthi a dhéanamh.
- G.** Is iad a bheidh i gcomhaltaí an Chonraitheora
- d) (Catagóir Bhallraíochta de réir Bhunreacht an Chomharchumainn)
- e)
- f)
- H.** Níor ritheadh aon rún chun an Conraitheoir a fhoirceannadh agus níor eisíodh ná níor foilsíodh aon fhógra i dtaobh cruinniú ar bith ag a mbeartaítear an Conraitheoir a fhoirceannadh. Níor cuireadh aon achainí i láthair ná níl aon achainí ar feitheamh chun an Conraitheoir a fhoirceannadh, agus ní dheachthas i mbun aon bhearta chun an Conraitheoir a chur faoi ghlacadóireacht, nó chun Glacadóir nó Scrúdaitheoir a cheapadh.

Dar Dáta an () (Mí) (Bliain)

Rúnaí



Údarás Craolacháin na hÉireann

2-5 Plás Warrington

Baile Átha Cliath 2.

Guthán: 01 644 1200

Facs: 01 644 1299

Ríomhphost: info@bai.ie

Láithreán Gréasáin: www.bai.ie